

في ظلال سورة (ق) | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا ما لنا ونعوذ بالله من شرور انفسنا ومن سيئات اعمالنا. انه من يهده الله فلا - 00:00:00

لا مضل له ومن يضل فلن تجد له هاديا مرشدا. يا ايها الذين امنوا اتقوا الله حق تقاته ولا تموتن الا وانتم مسلمون. يا ايها الناس اتقوا ربكم الذي خلقكم من - 00:00:33

وخلق منها زوجها وبث منهما رجالا كثيرا ونساء واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم. ويغفر لكم ذنوبكم - 00:00:53

ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواج امهات المؤمنين وعلى ذريتي وال بيتك انك حميد مجيد. اما بعد وقفات مع سورة قاف - 00:01:23

وقفات مع سورة قاف ولكن اولاء اخواني في الله تقاربوا للامام عشان اخوانكم يعني يعني على باب المسجد لما حد بييجي ما ما فيش مكان يدخل فيتقاربوا للامام. جزاكم الله خيرا. تفسحوا يفسح الله لكم. جزاكم الله خيرا. وقفات مع سورة قاف تخيلوا يا اخواني في الله - 00:01:43

لو واحد راكب سيارة فارهة سيارة بكزا مليون جنيه وقف الان امام باب الجامع نزل لابس بدلة بعشر تلاف جنيه وطلع من رزم الدولارات كل ورقة بخمسمية دولار. يعني الورقة تجي لها باربع تلاف جنيه كده ولا حاجة. رزمة دولارات. والكل منتظر هيعمل بها ايه؟ هيتصرف - 00:02:03

بها هيشترى بها حاجة. قام مطلع ولاعة وقام مولع في الفلوس. كلنا هنقول عليه ايه؟ مجنون ليه؟ لانه بيولع في فلوسه. اهو هو اللي بيولع في عمره اشد جنونا من هذا الرجل. اهو اللي بيولع يعني الراجل ده ممكن يكون عنده اموال قد اللي ولع فيها مليون مرة. ممكن يكون - 00:02:23

اكسب كل يوم قد اللي ولع فيه. مية مرة ممكن يكون عنده غيرها. انما انت ما عندكش غير العمر اللي انت بتفرط فيه ده. انت ما عندكش غير الايام اللي انت عايشها دي ما فيش عمر ثاني. ما فيش فرصة ثانية. ما فيش لجنة امتحانات ثانية. وقفات مع سورة قاف. قاف. الصورة التي - 00:02:43

اتكلم مع الغافل لقد كنت في غفلة. لقد كنت في غفلة. يعني يعني الغافل يا جماعة اللي ستلاف متين ستة وتلاتين اية من القرآن ما فوقتوش اللي شاشات العرض الجبارة في السماوات والارض اللي بتعرض آيات الله في ملكوت الله. ما فوقتوش. اللي - 00:03:03

نعم ربنا اللي مغرقاه ليل نهار. ما فوقتوش اللي عقوبة المعاصي اللي لما نزلت على اهل المعاصي شافها بعينيه ما فوقتوش. ربنا ما قالوش لقد كنت غافلا. قال له لقد كنت في غفلة في - 00:03:23

وغرقان في بحر من الغفلة كأنه صاحبه مات وما فاقشي. مرض مرض خطير وما فاقشي. حصل له ظروف صعبة وما فاقشي لقد كنت في غفلة ما كانش فيه حاجة بتفوقك ، ما كانش فيه حاجة بتصحى قلبك. ما كانش فيه حاجة بتهز فطرتك - 00:03:43

ما كانش فيه حاجة بتخليك تقف مع نفسك. وتعيد حساباتك في علاقاتك بالله. سبحانه وتعالى. لقد كنت في غفلة بيتكلم الغافل بتقول له ايه؟ بتقول له زي ما المعصية بتودي جهنم الغفلة بتودي جهنم بعد ما ربنا قال لك قد كنت في غفلة قال القى في -

00:04:03

جهنم يعني يعني يا اخوانا العلماء اختلفوا هو العاصي الاخطر ولا الغافل؟ فقالوا الغافل ليه؟ العاصي لو وقع في جريمة يعني من من الكبائر. قال لك هيندم وهيرجع يفوق. انما الغافل اللي ما بيقعش في معاصي وما بيعملش طاعات - [00:04:23](#)

بيقول لك انا كده كويس. انا انسان كويس. فده بيقول لك ما فيش حاجة بتفوقه. لانه بيفضل معتقد ان هو كويس حتى يصدم يوم العرض على الله سبحانه وتعالى سورة قاف بتقول لك ولدنا مزيد ولدنا مزيد بتتكلم عن نموزجين واحد هيموت على الزيادة في الدنيا هيموت على ان دنيته - [00:04:43](#)

موديل عربيته يتحسن ويبقى احسن. شقته تتحسن وتبقى اكبر واوسع وفي مكان احسن. رصيد بنكه يزيد. مركزه الاجتماعي يزيد ركبته الوزيفية تزيد هيموت على الزيادة في الدنيا. وناسي الدين وغافل عن الدين. ما بي فكرش لما بيحط راسه على المخدة - [00:05:03](#)

هو ربنا راضي عني ولا غضبان علي؟ ما بي فكرش في الآخرة. ما عندوش في وقت يفكر تقابله في الشارع. تقول له الاذان بيدن. يقول لك والله انا مشغول مش فاضي. عندك ايه اهم من الجنة؟ عندك ايه اهم من ربنا؟ مش فاضي كل شغله عشان دنيته تزيد. وواحد - [00:05:23](#)

تاني قضيته ازاى يزيد عند ربنا. ازاى ايمان قلبه يزيد؟ ازاى حسنات صحيفته تزيد؟ ازاى مقامه في الجنة يزيد ازاى درجته عند الله تزيد؟ فيجي يوم القيامة اللي كان مشغول بزيادة الدنيا وناسي الآخرة يلاقي ما لوش حاجة. واللي كان مشغول بزيادة - [00:05:43](#)

الآخرة يقول الله له ولدنا مزيد. انت هتأخذ نعيم في زيادة مستمرة. هتأخذ نعيم فوق ما تتخيل لانك كنت على طول في زيادة في علاقتك بالله سبحانه وتعالى هنتكلم في سورة قاف سريعاً حوالين اربع شعارات - [00:06:03](#)

يتيسر منهم يا اخواني في الله بازن الله في هذه الخطبة اولاً والقرآن المجيد ثانياً افلم ينظروا الى السماء افلم ينظروا الى السماء ثالثاً ولقد خلقنا الانسان ونعلم ما توسوس - [00:06:23](#)

به نفسه. واخيراً يوم يسمعون الصيحة بالحق. تعالوا نشوف ربنا صحى الغافل ازاى ربنا بيفوق الغفلة اللي في قلوبنا دي ازاى؟ والقرآن المجيد. يعني ايه القرآن المجيد؟ يعني القرآن صانع الامجاد. يعني القرآن الذي - [00:06:43](#)

اللي يقدر يغير كل حاجة في حياتك. لو انت عندك معصية مش قادر تتخلص منها. لو انت عندك ضعف همة وضعف عزيمة. نفسك تبقى احسن من كده في الدين بس مش قادر. ايه اللي ممكن يغيرك؟ ايه اللي ممكن يخليك انسان خلاف ما انت عليه؟ القرآن اعزم - [00:07:03](#)

سبب للتغيير في الحياة كلها. القرآن والقرآن المجيد كان فيه واحد ضرب مثلاً فاستمعوا له. واحد يعني يعني اب في بيت. الزوج مريضة وعازية تعمل عملية. ولو ما عملتش العملية ممكن تموت. وابنه في سانونية عامة. وعازيز ياخذ دروس. ولو ما خدش الدروس ممكن يسقط وما يعرفش يجب - [00:07:23](#)

كلية يدخلها وبنته مخطوبة والمفروض ميعاد الفرح قرب. ولو ما جابش العفش اللي اتفق عليه مع عريسها عريسها يسببها ويروح اكتب واحدة تانية والبيت كله هم. والبيت كله مشاكل. والبيت كله غم بسبب ان ما فيش فلوس يعملوا بها حاجة. ابوهم قال لهم - [00:07:43](#)

هسافر وهبعت لكم كل شهر جواب فيه الحل بتاع مشاكلكم كلها. فسافر اول شهر بعت لهم جواب فمسكوا الجواب وبدأوا يبوسوا فيه. ابونا بعت لنا الجواب اللي فيه حل المشاكل كلها. ومراته تقول جوزي بعت لي الجواب اللي هيحل لي كل المشاكل اللي انا فيها - [00:08:03](#)

قعدوا يبوسوا في الجواب وحطوا الجواب. الست لسة هتموت لان العملية ما اتعلمتش. والواد لسة هيسقط لانه ما خدش الدروس. والبنات خطيبها يسببها لانها ما جابتش لسه حاجة من العفش او الجهاز الجزء بتاعها. طب وبعدين بعت لهم جواب تاني قاموا جايين علبه قطيفة وحاطين الجواب فيها وقافلين - [00:08:23](#)

عليه وحاطين العلبه القطيفة كده فوق التلفزيون في الصالة كده يشوفوه رايح جاي. هيعملوا ايه؟ بعد كده البنات قطعت حتة من

الجواز وحطتها في السلسلة اللي بتلبسها وعملتها سلسلة ما شاء الله جميلة كده. ده انا حطيت حته من الجواب في السلسلة اللي انا لابساها وبرضه - [00:08:43](#)

كلمة حلقته عارفين متحلتش ليه يا جماعة؟ لان مش الحل انهم يبوسوا الجواب. مش الحل انهم يحطوا الجواب في قلب قطيفة. الحل انهم يفتحوا الجواب طلوعوا الفلوس اللي فيه يعملوا بها العملية. وياخدوا بها الدروس ويشترى بها الجهاز. الحل مش ان احنا نبوس المصحف. الحل - [00:09:03](#)

مش ان احنا نحطه في علبة قطيفة جوة عربية صاحب العربية مطلع ايده بالسيجارة براها ومشغل اغاني ومعاظف في اعلى صوت وهو ماشي فيها والمصحف محطوط. ومتهياً لنا ان المصحف بقفلته دي كده يبقى هو ده حل مشاكلنا. الحل ان احنا نفتح المصحف. الحل - [00:09:23](#)

ان عشان نتغير بالقرآن لازم نفتح المصحف. ثانيا افلم ينظروا الى السماء فوقهم؟ افلم ينظروا؟ ربنا بيقول لهم هم ما شافوش هم ما وصوش في السما ما بصوش في الارض ما بصوش للعشرين مليون نوع كائن من الكائنات الحية. اللي عايش على - [00:09:43](#)

الارض ازاى؟ مين اللي خلق كل ده؟ مين اللي ابداع كل ده؟ مين اللي خلق جوة النملة نفس اللي موجود جوة مين اللي ابداع الكون؟ مين اللي ابداع المية وستين مليار سنة ضوئية اللي العلماء بيرصدوا مليارات المليارات - [00:10:03](#)

المجرات فيهم في السماء. مين يا جماعة؟ تخيلوا واحد آآ يعني واحد دخل مكتبة عشان آآ يشتري كتاب. فلقى رواية جميلة قوي عنوانها شدك يعني العنوان والرسم اللي على الغلاف شدته كده من بعيد فقام رايح فاتح الرواية كده فالدخلة بتاعة الرواية شدت - [00:10:23](#)

جدا وحس ان آآ يعني صفحة ولا صفحة قاعد يقلب مش يعني مشغول بالرواية لدرجة انه مش قادر يقعد. لدرجة انه مش عارف يفكر. لدرجة لدرجة ان حتى ما جاش في دماغه انه يقول لصاحب المحل اشتري الرواية اقراها في البيت. فضل يقرأ والحبكة الدرامية بتاعة الاحداس رهيبة ورسم - [00:10:43](#)

شخصيات في الرواية خطير. والاحكام في الرواية خطير. لحد ما خلص الرواية في مكان وهو واقف على رجليه. فراح وهو مبهور بالرواية المبهرة دي راح لصاحب المكتبة قال له لو سمحت. الرواية ديت مين اللي مؤلفها؟ الرواية دي مين اللي كاتبها؟ قال له الرواية دي؟ قال له اه. قال له - [00:11:03](#)

ما فيش حد كاتبها. قال له يعني ايه ما فيش حد كاتبها. الرواية المبدعة ده ايه ما فيش حد كاتبها! قال له هاقول لك الرواية دي اتعملت ازاى بس تصدقني! كان امبارح في واحد ماشي - [00:11:23](#)

في الشارع وكان معه قرد كده شامبانز كده من اللي بيتنطط! فالقرد اول ما شاف المكتبة آآ منزر الكتب خطف عينه قام فلت ايده من صاحبه قام داخل هنا جري قعد على الكمبيوتر اللي انت شايفه قدامك ده هو قعد يضرب يضرب على الكمبيوتر قام مطلع الرواية دهيه وبعد كده قام ضارب ضربتين - [00:11:33](#)

قام مطلع اسم الرواية. وبعد كده قعد يشخبط على برنامج الرسم قام مطلع الصورة اللي من برة الرواية. بالله عليكم يا جماعة. لو واحد قال الكلام ده يبقى عاقل ولا مجنون! ده لو واحد مجنون دخل مستشفى المجانين. قال للمجانين كده هيقولوا له انت مجنون. مش لو واحد قال للعالم لو واحد قال للمجانين كده هيقولوا - [00:11:53](#)

انت مجنون! المجانين نفسهم لم يعقلوا هذا الامر. لن يستوعبوا هذا الامر. ازاى يعني؟ يعني القصيدة من الشاعر الجاهلي قرد قعد يضرب على القلم كاتبة او على الكمبيوتر بتاع الكمبيوتر قام مطلعها. الكون ده جه ازاى؟ الكون العظيم ده جه ازاى؟ افلم ينظروا ما بيبصوش - [00:12:13](#)

ما عندهم وقت. مشغولين في الدنيا للدرجة دي. مشغول انه يجيب رصيد المحمول اللي بيتكلم فيه ليل نهار للدرجة دي غول انه يجري يجيب فلوس الدروس الخصوصية. قاعد يلف في الساقية ليل نهار للدرجة دي. مشغول ان هو يحصل - [00:12:33](#)

او يترقى في الوزيفة بتاعته للدرجة دي. مشغول للدرجة دي. ما هوش فاضي ببص. ما هوش فاضي مرة يقف ويفكر اللي بنى السما

دي ازاى يعصى؟ اللي بنى السما دي ازاى يناديني؟ ساعة الفجر الساعة خمسة الفجر - 00:12:53

المسلمين فاضية. الساعة سبعة الصبح وقت الزروة. ما فيش حد عارف يمشي ولا نروح ولا ييجي. الساعة خمسة الفجر الله ينادي على امة محمد. الساعة سبعة الصبح الدنيا تنادي على امة محمد. لما ربنا نادى ما فيش حد نزل. الا نادر لما الدنيا نادت الكل نزل

بيجري - 00:13:13

الكل ولى مقبلا الكل بيجري يبقى يا اخواننا تخيلوا لو كان الشغل بيبدأ الساعة خمسة الصبح كان الناس كلها صحت بس مش عشان الفجر عشان الشغل افلم ينظروا ثالثا ولقد خلقنا الانسان. ونعلم ما توسوس به نفسه. الصفحة ديت صفحة عجيبة جدا - 00:13:33 ركزوا معي كده يا جماعة. الصفحة دي اكتر صفحة في القرآن جمعت مراحل الدار الاخرة. اكتر صفحة في القرآن جمعت مراحل الاخرة كلها شف ولقد خلقنا الانسان ولقد لام القسم الله يقسم. ربنا يقول لك اقسم ان انا اللي خلقتك. انت انت مش مصدق -

00:13:53

تصدق ان انا اللي ابدعتك. ولقد خلقنا الانسان ونعلم ما توسوس به نفسه. توسوس ديت لفظ الوسوسة ما جاش القرآن غير مرتين.

مرة مع الشيطان في سورة الناس ومرة مع نفسك في سورة قاف. كأن نفسك دي خد بالك منها اوي اوي اوي - 00:14:13 خد بالك اوعى تسوقك. اوعى نفسك دي خد بالك ما تسلمش نفسك لرغبات نفسك. ما تسلمش نفسك لهواك احسن النفس دي عاملة

زي الشيطان. ممكن تضيع الانسان وتدمره. تخليه بيدور في ساقية عشان يحقق رغباتها - 00:14:33

ويحقق طموحاتها والعمر ينتهي على الفاضي. ونعلم ما توسوس به نفسه. ونحن اقرب اليه من حبل الوريد ده امتى يا جماعة ده

ساعة الاحتضار؟ قال تعالى في سورة الواقعة ونحن اقرب اليه منكم ولكن لا تبصرون. يعني الجراح - 00:14:53

اعمل العملية وحواليه سبع تمن دكاترة وخمستاشر ممرضة وفاتحين بطن العيان وملك الموت نازل بياخد الروح ما فيش حد منهم شايف ما حدش منهم شايف حاجة بيموت وما حدش منهم شايف حاجة. ونحن اقرب اليه منكم. ولكن لا تبصرون. ونحن اقرب -

00:15:13

من حبل الوريد الملائكة نازلة وما حدش شايف حاجة. الملائكة نازلة واهل الميت حواليه. والراجل بدأ يحتضر وما حدش واخذ باله.

اذ يتنقل متلقين يتلقى المتلقين مين المتلقين دول؟ وفيين المفعول به؟ يتلقوا ايه؟ يعني لما احذف كرة لواحد اقول تلقى الكرة.

يبقى - 00:15:33

تلقى حاجة انما يتلقى المتلقين ايه؟ التلقي ده فيه لهفة. يعني واحد ملهوف مستني حاجة ياخدها. مين المتلقين دول؟ دول ملكين من الموت ببيجوا يقفوا على يمين الواحد وعلى شماله ده ده اول مرة هيبدأ يشوف الدار الاخرة بقى. اول مرة الراجل ده طول عمره

عايش اه ما - 00:15:53

ما تشوفش ملايكة كلنا ما بنشوفش حاجة. اول مرة هيبدأ يشوف العالم الاخر. قبل ما يموت في الاحتضار يلاقي اتنين واقفين على يمين وشمال عند راسه كده يمين وشمال دول مين دول؟ دول مستنيين الروح. يتلقى المتلقين. قال الرازي وقال ابن عاشور يتلقون

الروح - 00:16:13

واقفين مستنيين روحه. واقفين مستنيين اما ملك الموت يخرج روحه ياخدها منه. ويقوموا رايعين لفرقة الملائكة اللي نازلة له من

السما ويقوموا طالعين الروح بتاعته من اجل بداية مراحل الاخرة. اذ يتلقى المتلقين. تخيل كده يبدأ يفتح عينه. اتنين مستنيين

الروح. عن اليمين وعن - 00:16:33

الشمال قعيد قاعدين مستنيين ما يلفظ من قول الا لديه رقيب عتيد. ده مين رقيب عتيد؟ مين مين دول وكمان ده دول الملكين

بتوع كتابة الاعمال واقفين له عند راسه لسة. ملك يمين وملك شمال ده يكتب الحسنات وده يكتب السيئات - 00:16:53

دول غير الملكين اللي مستنيين الروح غير المتلقين. رقيب عتيد غير المتلقين. طب واقفين دلوقتي بيعملوا ايه ده راجل بيموت

عشان اخر كلمة هيقلوها قبل ما يموت يكتبوها. عشان اللي هيقلوها اللي هيتلفظ به لحظة خروج الروح يكتبوها. يا نهار - 00:17:13

نهار ابيض! يعني هيقلوا ايه ياني! ممكن يقول اه يكتبوها. ممكن يسخط على الله والعياذ بالله. يكتبوها ممكن يقول لا اله الا الله.

محمد رسول الله اكتبوها. واقفين مستنيين. هيكتبوا اللي هيقلوه. تخيل - 00:17:33

تخلوا صدمته لما بيدأ فجأة يشوف يلاقي ملكين مستنيين الروح. المتلقيان. وبعد كده ملكين تانيين رقيب عتيد كل واحد منهم رقيب عتيد فين بيكتبوا اللي بيقولوا طب واقفين بيكتبوا اللي بيقولوا طب اذا كان لحزة الاحتضار ما سابوش يبقو من باب اولي طول العمر ما كانوش سابيينه - 00:17:53

يا ندمي يا ندمي وانا طول العمر كان معي ملكين بيكتبوا كل شيء. لدرجة ان لحزة خروج الروح ما سابونيش ما سابونيش يروى في الاثر ان هزين الملكين حينما تخرج الروح. يقول ان لصاحب هذا الجسد - 00:18:13

الله خيرا عن كل مجلس خير اجلسنا فيه. جزاك الله شرا عن كل مجلس سوء اجلسنا فيه. جزاك الله كل خير. على كل خطبة جمعة حضرته. على كل درس في الجامعة حضرته. على كل حلقة تحفيظ قرآن - 00:18:33

انا قعدت فيها على كل مقراءة بعد الفجر قريت فيها على كل قعدة. قعدت مع مراتك وولادك تقروا قرآن فيها وجسد الله شرا على كل قعدة على قهوة قعدتنا فيها. على كل قعدة فيها سجاير وشيشة قعدتنا فيها. على كل مرة قعدتنا فيها - 00:18:53

قناة كليبات ولا قدام موقع فاسد على النت هذين الملكين. اذ يتلقى المتلقيان عن اليمين وعن الشمال قعيد. ملكين الموت ما يلفظ من قول الا لديه رقيب عتيد. ملكين الايه؟ الحساب. وجاءت سكرة الموت. وجاءت اللحزة اللي ملك الموت - 00:19:13

هياخد روح هذا النبي ادم ويبدأ يفتح عينه يلاقي ملائكة مد البصر اما بيض الوجوه واما سود الوجوه زي قاتل كده لما مات وهو رايح لارض الطاعة. فنزل نوعين من الملايكة. ملايكة بيض الوجوه. وملايكة سود الوجوه. ملايكة معهم كف من - 00:19:33

وملايكة معهم مسوح من جهنم. ملايكة معهم برفانات من الجنة وعطور من الجنة. وملايكة معهم والعياذ بالله وسائل تعذيب من النار. واللاتنين عايزين ياخدوا روحه. واللاتنين بيقولوا احنا اللي هنقبض روح ده. قصة ماعة. يعني - 00:19:53

قصة قاتل الماء ولكن قضية ان هنا الرجل ده يا جماعة بدأ يشوف ملايكة ممكن يبقوا بيض الوجوه وممكن يبقوا سود الوجوه وجاءت سكرة الموت سكرة يعني سكر عينك يعني اقل عينك. لقالوا انما سكرت ابصارنا اي انما اغلقت ابصارنا. وعميت ابصارنا. خلاص -

00:20:13

فسكرة يعني قفا. كل حاجة قفلت. بقه مفتوح وما يقدرش يبلع بق ماية. عينيه مفتوحة وما عدش شايف حاجة. ودنه مفتوحة وما عدش سامع حاجة. ايده جنبه ما عدش يقدر يمسك حاجة ذلك ذلك ما كنت منه تحيد. ذلك اسم بشارة اشارة للبعيد - 00:20:33

يعني دلالة على ان الموت ده امر خطير جدا. والانسان ما كانش عامل حسابه له. وجاء وجاءت سكرة الموت بالحق. ذلك ما كنت ونفخ في الصور ذلك يوم الوعيد. كنا الوقتي في الاحتضار شوية بقينا عند خروج الروح والموت. شوية الوقت دخلنا في - 00:20:53

بعض نفخ في الصور ذلك يوم الوعيد. نفخ في الصور اللي هو لحزة البعس. لحزة لما الناس بتقوم من تحت التراب. الوقت عايش على الكرة الارضية سبعة مليار بني ادم. كل خمسين سنة ببيجي سبعة مليار غيرهم. تخيل من ايام سيدنا ادم لحده يوم القيامة هيبقى عدد

البشر بقى لما كل البشر - 00:21:13

عشان يطلعوا مرة واحدة متين مليار تلتमित مليار ربعميت مليار متخيل الجن وهم طالعين من تحت التراب كمان متين تلتमित ربعميت مليار وتائب نفسه طالع من تحت التراب وتخيّل الوحوش لما تحشر تلتमित ربعميت مليار. تخيل انت بقى المنزر المهيب ده

كله والناس طالعة من تحت - 00:21:33

التراب ما فيش حد ببص لحد. الشاب اللي كان ما يقدرش يغض بصره. اجمل نساء الدنيا طالعين من تحت التراب ما فيش حد ببص لحد. اللي كان الجنيه اغنى اغنياء الدنيا طالعين من تحت التراب ما حدش ببص لحد. اللي مدفون جنب ابوه وجنب والدته.

العيلة كلها - 00:21:53

كلها طالعة من تحت التراب. ما فيش ام بتبص لابنها. ما فيش اخ ببص لاخوه. ما فيش ابن ببص لابوه. ما فيش صاحب ببص لصاحبه ونفخ في الصور ذلك يوم الوعيد. الموت ذلك ما كنت منه تحيد. البعث ذلك يوم - 00:22:13

قل وعن ذلك اسم اشارة للبعيد كأنها احوال مهولة. ما كانش حد واخذ باله منها. وجاءت كل نفس. كل ولا واحد هيفلت. ولا واحد

سورة قاف مليانة لفظ كل ده. هذا ما توعدون لي كل اوام. تبصرة وذكرنا - 00:22:33

لكل عبد منيب وجاءت كل نفس القيها في جهنم كله كفار. ما حدش هيفلت. ما فيش حد هيروح فين ما فيش حد هيعرف يروح ولا ييجي. وجاءت كل نفس معها سائق وشهيد. ده ده مرحلة ايه؟ الحشر. كنا في - 00:22:53

دخلنا في الموت. دخلنا في البعس. دخلنا في هذه الصفحة يا اخواني كما قلت لكم من اعجب صفحات القرآن في الكلام عن الدار الآخرة. اللي هي ثاني صفحة سورة قاف جمعت كل مراحل الدار الآخرة. بل فيها من التفاصيل ما ليس في غيرها من القرآن. صفحة واحدة - 00:23:13

ربنا جعلها موسوعة للدار الآخرة. ايه القدرة دي! ايه العلم ده! ايه العلم ده! عشان كده يعني سبحانه الله سورة القاف ربنا يقول والقرآن المجيد ربنا اقسم بالقرآن على ايه ؟ قد علمنا ما تنقص الارض منهم. زرات تراب جسم الانسان بعد ما يموت وتتحلل وتطير في الشرق والغرب. الله يعلم - 00:23:33

مكان كل زرة من جسمك بعد ما تموت وتبقى تراب. والرياح تشيلها في الشرق والغرب. الله يعلم زرات جسم كل مخلوق راحت فين ؟ ويوم القيامة يقول لها كوني فتكون. يعني الله يقسم بعلم الله على علم الله. يقسم بالقرآن على علمه بزرات - 00:23:53

التراب اجسادنا بتروح فين ؟ يعني ربنا يقول لك ده انا مش هابعسك. ده انا ده انا زرة التراب اللي كانت في كبديك مش هتيجي في كلتك ده انا زرة التراب اللي كانت في جسمي ده هو مش هتيجي في جسمي ده هو! ده انا هجيبك زي ما انت. وفي سورة قيامة بلا قادرين على ان نسوي - 00:24:13

ده انا هجيبك ببصمة صابعك ثاني. ده انت يوم ما هتبعث بصمة صابعك اللي ما كانش على وجه الارض واحد شبعك فيها هخليك لك تبعس ببصمة الصواع. بالبصمة بتاعة الصابع بتاعتك في الدنيا. ايه القدرة دي! صدمات كهربائية للقلوب - 00:24:33

سورة قاف بتفوق القلوب الغافلة. وشاءت كل نفس معها سائق وشهيد. ييجي اتنين بقى واحد يمين وواحد شمال كده. يوم القيامة دول دول سائق وشهيد هيعملوا ايه ؟ دول هيفضلوا معك لنهاية يوم القيامة. لحد يا اما - 00:24:53

سلموا هذا الرجل للسبعين الف ملك القوة التنفيذية اللي هتقتضوا الى النار التي تكلم عنها ابن كثير يا اما يسلموا الصراط عشان يطلع يعدي ويدخل الجنة. دول هيفضلوا معك لنهاية يوم القيامة. واقفين لك كده اهو. تخيل واحد ومعه اتنين مخبرين كده واقفين له كده - 00:25:13

اوه اه مش عارف لا يبص يمين ولا شمال. احنا للآخر معك. اتنين ملايكة للنهاية. وجاءت كل نفس معها سائق وشهيد لقد كنت في غفلة من هذا كل اللي حواليك ده انت ما كنتش داري ولا كنت بتفكر فيه. فكشفنا عنك - 00:25:33

غطاءك كأن واحد كان مغطي عينيه. كان ناعمي واتكشف غطاء الغفلة. فيه واحد الغطاء ده. كان الفلوس كانت عمياء في واحد الغطاء ده كان متعته ولزته. كان اهم حاجة في الدنيا متعته وفسحته. وطلعت وشلته - 00:25:53

وقهوته والموقع اللي بيدخل عليه. وفيه واحد ثاني كان الغطاء بتاعه ده مركزه الاجتماعي. انا ما ينفعش آآ انا ما ينفعش البس الحجاب بالمنزل اللي انتم بتقولوا عليه ده. لان انا الطبقة الاجتماعية اللي انا فيها آآ ما ينفعش ان انا البس ده. انا اخري مسلا يعني ايه ؟ كده - 00:26:13

يبقى فيه ناس وفيه ناس كان الحجاب بتاعها والغطا بتاعها معصية معينة غرس فيها ومش متخيل انه يقدر يسببها وعاملة حاجز بينه وبين ربنا فكشفنا عنك غطاءك. فبصرك اليوم حديد. اول مرة هتشوف الجنة بجد. اول مرة هتشوف النار - 00:26:33

بجد قال قرينه وقال قرينه هذا ما لدي عتيد الاحداس تطورت ودخلنا في العرض على الله والراجل واقف بين يدي الله وفوجئ ان فيه ملك طالع. مين ده؟ ده كان قرينك من الملايكة. انا! انا كان فيه قرين ملايكة - 00:26:53

معي انا كان فيه ملك ما بيسبنيش. كان بيعمل ايه ؟ كان قاعد يذكرك بالخير اللي انت ما نفرتش منه حاجة. انا كان فيه بياמרني بالخير وانا ما اعرفش عنه حاجة يقوم قرين الملايكة. رباني ويقول هذا ما لدي عتيد. يا رب الرجل ده كان عتيد في - 00:27:13
عمري ما زكرته بخير وعمله. عمري ما شفته الا على معصية وعلى غفلة. اول ما ملك الملك يشهد عليه ربنا يقول القيها في جهنم كل

كفار عنيد. القى بالمثنى. ربنا بيكلم مين؟ ها بيكلم السائق الشهيد. اللي واقفين معه حتى في العرض على الله. القيم - [00:27:33](#)
سلموه بقى للسبعين الف ملك اللي ربنا بيقول لهم خذوه فغلوه في سورة الحق. ابن كثير بيقول سبعين الف ملك مستنيين تنفيذ امر
الله. خدوا زي كده مع مسجون في الزنزانة القاضي يقول يتسجن يقوموا يسلموه بقى العربيات الامن المركزي اللي برة كده بقى
فاتنين واقفين القية ودوه بقى على - [00:27:53](#)

سكة جهنم في جهنم زي ما كيس زباله يترمى كده من الشباك. القية ما عدش لهم قيمة في الدنيا اصلا. ارموه زي كيس الزباله لما
بيترمى كده. القى فيه جهنم كل كفار عنيد مناع للخير معتد مريب. الذي جعل مع الله الها اخر فالقياه في العذاب - [00:28:13](#)
ربنا ما قالش القيا الذي جعل مع الله الهه اخر. ده ربنا قال اول مناع للخير. ده كان راجل بخيل. ما بيطلعش صدقة. وبعد كده بقى
معتدي. بقى بياكل ورس اخته بقى بيظلم بقى بيرتشي مريب وبعد كده بقى شكاك في الدين وبقى عنده شوية شبهات. بعد كده الذي
- [00:28:33](#)

جعل مع الله لانا اخر. بعد كده بقى مشي في طريق كفر. هو ده اسمه ايه يا جماعة؟ ده اسمه زوحليقة. الزوحليقة. ان المعصية ما
بتجيش مرة واحدة كده. دي زحليقة. يعني - [00:28:53](#)

اللي بيبدأ طريق المعصية هتاخده لنهاية الطريق. لحد ما يضيع في القاع. واحد يقول لك انا هعصي ربنا بس انا عارف هقرا طعم
الكتترول على نفسي هاقف في النص. يا عم ما فيش في النص اللي بيركب زحليقة المعصية بتجيبه في الارض في النهاية. قال قرينه
ربنا ما - [00:29:03](#)

يقف قرين الشياطين بقى. ده انت مين انت كمان؟ ده قرين الشياطين بتاعك. كان شيطان ربنا كان معين ملك لك يأمرك بالخير
وابليس كان معين شيطان لك. لكل بني ادم على وجه الارض يذكرك بالمعصية وبالشهوة. فالقرين بتاع الشياطين عارف انه -
[00:29:23](#)

معه في جهنم فيقف. قال قرينه ربنا ما اطغيته. وانا ما لي يا رب! ولكن كان في ضلال بعيد. يا رب هو اللي كان ضايع. يا رب هو اللي
كان - [00:29:43](#)

ادم ضلالي. انا ما لي يا رب اترمي معه في جهنم ليه؟ قال لا تختصموا لدي. وقد قدمت اليكم بالوعيد ما بيدل القول وبعد كده لقي
ملكين واقفين بيكتبوا الاعمال. وبعد كده شاف ملك الموت وبعد كده شاف فرقة الملائكة لبيض الوجوه او اسود الوجوه - [00:29:53](#)
كنز القبر لقي ملكين بيحاسبوه. وبعد كده طلع من القبر لقي سائق وشهيد مستنيينه. وبعد كده دخل العرض لقي لقي قرين الملائكة
قرين الشياطين واقفين وسبعين الف ملك برة واقفين. الراجل ده زهوله كله من ايه؟ هو كل ده عشان ايه؟ هو انا عملت ايه؟ هي
الدنيا كانت - [00:30:13](#)

بجد للدرجة دي هو الامتحان اللي احنا فيه كان خطير للدرجة دي! هو احنا كنا في امتحان خطير وانا ما كنتش واخد بالي! ده انا كنت
باحسبها آآ كنت محسبها لعبة. كنت بحسبها يعني عيش حياتك. انا ما كنتش اعرف ان الموضوع كبير كده. انا ما كنتش اعرف ان
الموضوع - [00:30:33](#)

بجد كده انا ما كنتش اعرف ان الموضوع خطير كده. هي دي مشكلة العاصي. وهي دي مشكلة الغافل. انه لا ينظر الى لا ينظر الى
عظمة من عصي. ما هوش عارف هو بيعمل ايه. ما هوش عارف هو بيودي نفسه فين. اقول قولي هذا واستغفر الله لي ولكم. اما بعد -
[00:30:53](#)

ثم نقول لجهنم هل امتلأت؟ الناس واقفة اتحكم عليها بالنار. فبصوا لباب جهنم لقوا الناس متكلسة على الباب فاتياً لهم ان جهنم
زحمت وانتقلت. فجه جواهرهم امل ان هم ما يدخلوهاش. قربنا يقوم مكل - [00:31:13](#)
النار قدامهم يقول لها هل امتلأت خلاص كده ما عادش فيك مكان ويسمع اهل المحشر جميعا جهنم هي تقول هل من مزيد فتتخلع
قلوب هؤلاء المعذبيين؟ والعياذ بالله صدمة كهربائية. جهنم طلعت كائن حي - [00:31:33](#)
وازلفت الجنة. الجنة يعني تخيلوا منزر الجنة ازلفت يعني الجنة هي اللي جاية عليك. يعني اتنين حبايب هو بيجري على اللي بيحبه

واللي بيحبه بيجري انت بتجري على الجنة والجنة بتجري عليك. وازلفت الجنة للمتقين غير بعيد. خلاص. كلها حاجة بسيطة وتدخل الجنة - [00:31:53](#)

كلها حاجة بسيطة وتبقى من اهلها. هذا هذا اسم اشارة للقريب. يعني خلاص الجنة بقت قريبة اهو. يوم القيامة بيخلص اهو خلاص الجنة بقت قريبة ايه! الجنة ممكن تشوفوها من بعيد اهو. هذا ما توعدون. لكل اواب حفيظ - [00:32:13](#)
من خشي الرحمن بالغيب وجاء بقلب منيب. هذا ما توعدون لكل ايه؟ ايه اواب. ده اواب دي يعني ايه؟ ده ان واحد كان بيعبد ربنا استمر على الطاعة. حفيظ يعني ايه حفيظ دي؟ يعني واحد كان بيحفظ حرمان ربنا. كل دولة لها حدود. مصر لها حدود. امريكا لها حدود - [00:32:33](#)

لو دولة طيرتها دخلت في حدود دولة من غير اذن. يحصل لها ايه؟ في القانون الدولي! تتضرب بالنار. كذلك الله اه له حدود. لو واحد عدى حدود ربنا من غير اذن. يحصل له ايه؟ يا حلم ربنا علينا. واحنا بنعدي حدود ربنا ليل نهار - [00:32:53](#)
وربنا بيحلم علينا. بس لحد امتى هيحلم حفيظ حافز لحدود ربنا. حافز بحدود ربنا. هذا ما توعدون لكل يعني كل اللي هيحلم كده ياخذ الجنة بس على شرط يجيب الكلام ده. يعني ايه؟ هو كل اللي بيحب الطب يا جماعة بيبقى دكتور. يعني ناس كتير قوي بتحب الطب كلهم - [00:33:13](#)

الدكاترة لا طبعاً امل ايه اللي جاب مجموع كلية طب بس هو اللي هيبقى دكتور. طب كل اللي بيحب الهندسة بقى مهندس؟ لأ امل ايه؟ اللي جاب مجموع هندسة قل لي بقى مهندس. طب كل اللي بيحب الجنة بيدخلها لأ. اومال ايه! اللي جاب مجموعة جنة. ربنا ما قالش هزا ما - [00:33:33](#)

لكل من كان يحب الجنة. طب ما كل الناس بتحب الجنة. انما مين اللي دفع تمنها؟ مين اللي معه المجموع بتاعها؟ مين اللي دفع تمن الجنة؟ هذا كما توعدون بكل لكل بلا استثناء. بس اواب مجتهد في طاعة الله. حفيظ بعيد عن معصية الله - [00:33:53](#)
من خشي الرحمن بالغيب وجاء بقلب منيب. كان من اهل خشية والانابة. يعني قلبه كان نضيف من جوة. يعني قلبه كان جنة ايمان من جوة طب هو ربنا الاول قال اواب يعني بيعمل الطاعة. وبعد كده حفيظ يعني بعيد عن المعصية. الكلام ده معناه ايه؟ معناه بالبلدي كده - [00:34:13](#)

لو دخلت الطاعة من الباب هربت المعصية من الشباك. يعني لو انت في حياتك معصية مش عارف تخلص منها. معذبات ضميرك بيتقطع كل ما تقع فيها وتحس انك منافق وانك وحش وانك بادع لربنا. عايز تخلص منها عايز طريقة سهلة للتخلص منها. اشغل نفسك - [00:34:33](#)

بطاعة الله. اشغل نفسك بالصحة الصالحة. اشغل نفسك بسماع دروس ايمانية. كل ما مساحة الطاعة تزيد في حياتك تلقائي هتلاقي المعصية بتقل في حياتك ادخلوها بسلام. ايه بسلام بقى! هو لسة فيه حاجة الناس خايفة منها! ما خلاص احنا مقربين من الجنة اهو. ادخلوها بسلام بسلام! يعني فيه - [00:34:53](#)

خطر ولكن انتم هتسلموا منه. هو ايه اللي لسة بعد العرض على الله؟ حد يعرف؟ الصراط والقنطرة. كانها بشرى من قبل ما يعدوا هتسلموا ما تخافوش. ذلك يوم الخلود لهم ما يشاؤون فيها. ولدينا مزيد. المزيد هو - [00:35:17](#)

والنظر لوجه الله. الله اكبر. كما قال النبي صلى الله عليه وسلم. يعني الصفحة دي يا جماعة ربنا جاب فيها ايه؟ ربنا اتكلم فيها عن الاحتضار. شوفوا السورة واحدة ثاني صفحة في قفل احتضار والموت والبعض والحشر والعرض والنار والجنة والصراط والقنطرة - [00:35:37](#)

النظر لوجه الله. عشر مراحل من مراحل الدار الآخرة في صفحة واحدة بس من القرآن الكريم. اخواني واحبابي في الله عايزين نقبل على كم واحد فينا يا جماعة قرأ سورة الكهف النهاردة؟ كم واحد فينا النهاردة بعد الفجر مسلاً قعد في جلسة الضحى قرأ سورة الكهف او قبل ما يبجي قرأ سورة الكهف او - [00:35:57](#)

ولما يروح الوقت هيقرا سورة الكهف وكام واحد فينا النهاردة كده يروح بقى ايه يصلي ركعتين قيام ليل الليلة بصورة قاف يجيب

بقى الكلام اللي احنا قلناه ده ونشوف بقى الكلام ده هيفوقه ولا لا ؟ الصدمات الكهربائية القرآنية دي هتصحى قلبه وهتوقظ قلبه ولا الموضوع وصل لايه ؟ - [00:36:17](#)

عايزين نعالج قلوبنا بالقرآن. عايزين نداوي قلوبنا بالقرآن. عايزين يا اخوانا نعرض قلوبنا لاشعة القرآن لحد قلوبنا اتنور لحد ما قلوبنا ديت تقبل على الله سبحانه وتعالى وتعرف ربنا عشان كده اخواني واحبابي في الله اوصيكم قبل ان انزل - [00:36:37](#)
من على منبر رسول الله صلى الله عليه وسلم. الوصية الاولانية يعني هذا المسجد باذن الله المسجد المبارك. يعني من لا يشكر الناس لا يشكر الله. يعني الاستاذ الفاضل اللي كان سبب في بناء هذا المسجد اسأل الله ان يأجره. واسأل الله ان يخلف عليه في دينه ودنياه واخرته. واسأل الله ان يزيد - [00:36:57](#)

ان يزيده في دينه ودنياه. وربنا يجعلنا من عمار بيوت الله سبحانه وتعالى. خطب الجمعة هنا يا جماعة يعني ان شاء الله باذن الله هتبقى اساسا خطب تفسير قرآن. يعني يعني سبحان الله كان فيه مواضيع يعني ممكن اتكلم معكم فيها النهاردة اكتر من موضوع. كذا موضوع ولكن - [00:37:17](#)

اثارت ان الخطبة تبقى تدبر في كتاب الله. تبقى تدبر في القرآن المجيد. اللي هيرجعنا للمجد ثاني. لو اقبلنا عليه. اللي هيفير كل شيء في حياتنا لو اقبلنا عليه. فباذن الله سبحانه وتعالى يعني دكتور محمد ثروت واخوانا من الدعاة اللي هيعتلوا - [00:37:37](#)
هذا المنبر كل جمعة باذن الله سبحانه وتعالى هيكون التركيز الاساسي في هذا المسجد على تفسير كتاب الله. بحيس ان انت مرة كده تلاقي قصة اصحاب الكهف. يا سلام! ترجع بقى تقرا سورة الكهف يوم الجمعة. وانت عايش معها. تيجي مرة كده تلاقي سورة كذا - [00:37:57](#)

ايات كذا آ شرح آ آ صورة من سور الجزء الثلاثين اللي احنا بنقراها في الصلاة ومش حاسين بجمال معانيها. نبدأ بقى نفهم القرآن يا جماعة فخطب الجمعة هنا باذن الله سبحانه وتعالى هيبقى لها منهج. هيبقى لها منهج وهو تفهيم الامة كتاب الله. وتفسير كتاب - [00:38:17](#)

الله باذن الله سبحانه وتعالى. الحاجة الثانية يا اخواني الحاجة الثانية يعني عايزين نحط قلوبنا في الايمان عايزين نحط قلوبنا في بيت الدين. يعني لو دي حلة مائة وانا جبت حلة حطيتها في حلة الماية اللي بتغلي الدقيقة وشلتها شوية. وحطيت - [00:38:37](#)

دقيقة وشلتها شوية. اللحمة مش هتستوي. ليه؟ لان لازم تفضل محطوة مدة. اهو بالزبط كده قلبك لو انت جيت مسلا خطبة جمعة آ وبعد كده بقى عايش في الدنيا بقى ووسط الدنيا ومشاكل الدنيا انت قاعد تحط قلبك جوة بيئة الايمان وتشيله. مش هيستوي. عشان كده عايزين حاجة في النص. عايزين حاجة في - [00:38:57](#)

نص تسند كده اه مع خطبة الجمعة ايه بقى؟ فيه درس اللي هو درس الخميس في هذا المسجد. انا باقول لكم الكلام ده ليه؟ باقول لكم الكلام ده ليه؟ هو مش قضية ان انا - [00:39:17](#)

باقول لك اعمال انا باقول لك رويضة عملية للوصول الى الله. رويضة عملية لليقظة عشان نخرج من الغفلة اللي احنا فيها. لازم يبقى فيه درس في الاسبوع كده ساعة. ساعة لوجه الله يا اخوانا. يا عم الشيخ دروس ايه يا عم الشيخ! احنا - [00:39:27](#)
فاضيين ده احنا بنجيب الجنه بطولع الروح. ما انت عدت بتجيب الجنه بطولع الروح. لانك انت بخلت بمجهودك على ربنا. قربنا خلى مجهودك يروح في الفاضي. لما بقف في شارع في المنصورة الساعة اتنين الظهر ساعة عشان اعدي من زحمة المرور - [00:39:47](#)

اقول سبحانك يا رب. الناس بخلت بوقتها على ربنا. بخلوا انهم ينزلوا يصلوا الفجر في الجامع. قربنا ابتلاهم بضياح الاوقات فيما لا نفعله؟ يقف ساعة في الزحمة عشان يعدي شارع. سبحان الله! بركة الوقت نزعته ليه؟ لان احنا بخلنا بوقتنا على ربنا - [00:40:07](#)
المجهود عشان الرزق يبجي بقى صعب ليه؟ لان احنا بخلنا بجهدنا على ربنا. انا لسة رايح المسجد واقعد اسمع درس. خلاص يعني النبي عليه الصلاة والسلام كان قاعد في مجلس يا جماعة فجه ثلاثة. فواحد بص كده لقي حلة فاضية قام قاعد فيها. وواحد اتكسف

وقعد ورا. والتالت بص كده يا عم الدنيا - 00:40:27

زحمة وحر قام ماشي. فالنبي عليه الصلاة والسلام ما عداهاش. قال لهم الا ادلكم على خبر الثلاثة؟ قال للصحابة اعرفكم الثلاثة دول عند ربنا اما الاول اللي جه قعد في في الاول ده فاوى الى الله فاواه الله. ده معسكرات ايه - 00:40:47

ربانية الدروس الايمانية اللي في المساجد دي معسكرات ايواء انت جاي لمعسكر ايواء رباني. يا بختك واما الساني اللي اتكسف وقعد ورا فاستحيا فاستحيا الله منه. يعني ايه استحيا الله منه؟ ربنا لما يستحي من العبد العبد لو رفع ايده ربنا ما يردهاش الا لما يجيب الدعاء. يعني - 00:41:07

بقى مستجاب الدعاء. يا جماعة ده اللي بيقعد ورا في الدروس ده. ثلاث تريع الدرس بيضيع عليه. يقعد يبص كده. واللي قام دخل الحمام في في النص. واللي ايه ساعة ما الادان ادن مش عارف عمل ايه قعد يتفرج ومع ذلك اللي قعد ورا ده اخذ اجابة الدعاء يعني دي اقل جايزة في حضور الدروس - 00:41:27

ما بالك بالجوايز الاعلى! واما السالس اللي ما رضاش يحضر بقى. شف بقى الكلام الخطير. شوفوا بقى يا امة محمد. عدم حضور الدروس الايمانية. جريمة الشرع قد ايه؟ واما السالس اللي مشي فاعرض فاعرض الله عنه - 00:41:47

واما السالس فاعرض. اعرض يعني ما عنديش وقت يا رب. مشغول فاعرض الله عنه. يعني انت ما عندكش وقت لربنا خلاص ما تجيش اوعى تطلب من ربنا حاجة بيحصل لك مشكلة. فاعرض الله عنه يا نهار ابيض! ده ده عشان ما حضرش درس ايماني! ده ده عشان ما حضرش درس - 00:42:07

يذكر وهيجيب منين؟ عربية ما بتمونش بنزين هتجيب منين؟ عشان كده يا اخواني في الله درس الخميس هنا ان شاء الله هيبقى ثابت بازن الله سبحانه وتعالى كل خميس - 00:42:28

المغرب للعشاء كل مرة ان شاء الله تلاقوا داعية من الدعاء بازن الله سبحانه وتعالى نعرف ربنا ونتذكر ودلوقتي يعني دكتور محمد شغال في سلسلة عن الصلاة وهتلاقوا بقى الدعاء بيتعاقبوا ان شاء الله كلام يعني مهم جدا يا اخوانا الحاجة التالطة يعني في هذا المسجد مسجد الصحابة فيه دار تحفيز في - 00:42:38

في في دور تحفيز عندكم ما شاء الله انتم بلدكم مليانة خير الله اكبر. ربنا يبارك يا رب. يعني فيه دار تحفيز كبيرة برضه اسمها دار الصحابة. رح احفظ قرآن. بتحفظ - 00:42:58

الرجالة والسيدات بتحفظ الاطفال والكبار. بتحفظ الشباب والبنات. الجميع من الصبح لحد بالليل. يعني حاجة اوبن بوفيه بس اوبن بوفيه قرآني بقى. اوبن بوفيه اخروي. ما تحفظش قرآن ليه؟ ما تقربش من حفز كتاب ربنا سبحانه وتعالى. حاجة رابعة - 00:43:08

سيدي عشان شهيتك تتفتح ولما نقابل ربنا يوم القيامة ما يقاش فيه حاجة بقى ايه ما يقاش فيه عزز لحد قدام ربنا سبحانه وتعالى فجر مقراءة قرآن الفجر وتصحيح تجويد مع بعض التعليقات على اعجاز الايات. تعليقات بسيطة مقراءة فجر - 00:43:28

الحد ده ان شاء الله فجر الحد ده. اول ختمة قرآن في المسجد. في مقراءة الفجر. نهاية وتمام اول ختمة قرآن في المسجد صلاة الفجر يبقى انت عندك خطبة جمعة في تفسير القرآن اسبوعين. عندك درس وعزي للدعاء الى الله يتعاقب عليه دعاء بقى ان شاء الله بازن الله. يعني اللي انت بتحبههم - 00:43:48

تعرفهم او ما تعرفهمش. ان شاء الله الخميس من المغرب للعشاء. عندك آآ دار تحفيز ودور تحفيز. تروح تحفز قرآن عشان قلبك ينور. وربنا لما تحفز كلام. عندك مقراءة لفجر تتعلم تجويد. وتقرأ القرآن صح. وممكن كمان تفهم بعض المعاني - 00:44:08

من كتاب ربنا سبحانه وتعالى يوميا يعني وليمة يا جماعة. وليمة. يا ريت كل المساجد تبقى كده. واحسن من كده. يا ريت يا اخوانا لما نخط ايدنا في ايد بعض عشان نوصل لربنا ربنا هيملى حياتنا بركة. اسأل الله سبحانه وتعالى ان ينزل من بركاته ورحماته على اهل هذه - 00:44:28

قرية اللهم انزل من بركاتك ورحماتك على اهل هذه القرية. اللهم الف بين قلوبهم على ما يرضيك عنهم اللهم ادي الدين عن مدينهم. اللهم اشف امراضهم. اللهم ارحم امواتهم. اللهم بارك لهم في ارزاقهم. اللهم يسر لهم امورهم - 00:44:48

اللهم اصلح لهم حالهم وبالهم. اللهم استعملنا ولا تستبدل بنا. اللهم استعملنا ولا تستبدل بنا. اللهم استعملنا لا تستبدل بنا. اللهم انا نستغفرك من كل ذنب عصيناك به. ونستغفرك من كل صلاة ضيعناها. ونستغفرك من كل - 00:45:08

في معصية سر جعلناك فيها اهون الناظرين اليها. ونستغفرك من كل امر فعلناه نظنه حلال وهو عندك حرام ونستغفرك من كل خطوة الى حرام مشيناها ومن كل لقمة حرام اكلناها. يا من تبسط يدك بالليل ليتوب مسيء النهار - 00:45:28

تب علينا يا ربنا من ذنوب الليل والنهار. اللهم طهر مصر من المواقع الفاسدة. اللهم طهر مصر من الزنا والخنا. اللهم طهر مصر من التبرج والسفور. اللهم طهر مصر من الخمر والمخدرات. اللهم طهر مصر من الرشوة والربا. اللهم انصر دينك. واعز - 00:45:48

اللهم اذن لدينك ان يسود. واذن لشرعك ان يقود. واذن لكتابك ان يحكم. برحمتك يا ارحم الراحمين سبحانك اللهم وبحمدك اشهد ان لا اله الا انت استغفرك واتوب اليك اه - 00:46:08

- 00:46:38